

## Комсомольцнр болн багъчуд дунд идейн-сургъмджин көдлмшин кемджэг өөдлүлхмн

Комсомольцнрин болн багъчудин дунд идейн-сургъмджин көдлмш ясрулхин тускар ВЛКСМ-н ЦК-н VII пленумин шиндврт нигдж келгдсн баяна: „Коммунизмн тосхлтд көвүд болн күүкд аюдан, ючигн медл уга орлцдж йовхш, лавта итксн, серлтә ноолдач төләдән оряцдж йовна. Юнъгад гихлә, коммунизмн царандк өргджлтиг болн үнчикиг ил үздж меджәцхәнә“.

Мана советск багъчуд чик сургъмдж авч, өсдж йовцхана, терүнә тускар, теднә күцәсн төрмүд тодрхагъар үзүлджәцхәнә. Советск йосна 40 джилин туршарт тедн эврәнн Коммунистическ партин дуудврмудт хәрү өгч, көдлмшин гүдү икдн, тосхлтин зовлнъгта күнд халхстн орлцдж көдлцхәнә.

Мана багъчуд диилчксн социализмин цагт өсдж-босдж, күч-көлсән өгч көдлджәцхәнә. Болв эдн заагт ода күртл көдлмшәс хооран цухрад, орн-нутгтан олз багъар өгәд, бийстән авх болхла икәр авр седәд йовдгн чигн баяцхәнә. Эдн олн-әмтнә төләчидлән өгхән мартчкдж.

Иим йовдлла аврлтан уга ноолда кедж, күч-көлсән өгч, көдлмшт дурта болдгар, зовлнъ-түрүгъәс аадж хооран цухрдг уга чанъгъ-чиирг, эрүл-дорул багъчуд болгъхин төлә тедн дунд сургъмджин көдлмш кех кергтә.

Мана танъгъчд мал өсгльгнә, тарәнә, тосхлтин болн нань-чигн олн зүсн көдлмшин икнъкдн багъчуд көдлджәцхәнә. Ганцхн Элстин

тосхлтд көдләнрин гурвна кесн хойр хувн багъчуд көдлджәнә. Сакманщик болад, өвснә хадлгънд, субботникудт болн воскресникудт, балгъс болн селәд сәәхрүлдж ясхд чигн багъчуд шунмгъа кевәр көдлджәцхәнә.

Эн туск көдлмшиг сәәнәр бүрдәдж, гарддж йовцхахн ВЛКСМ-н Яшкульск, Приютненск нань чигн райкомс. Болв зәрм райкомс, холд, теегт — отармудт, хадлгънд көдлдж йовх багъчудин тускар ухалцхахш. Энд лекцс умшхи, күр-күүндвр, культурн, серл-герлин көдлмш кедж өгхш.

Эн учрар райкомс эврәнн көдлмшән ясрулад, лектормудан сәәнәр диглдж, олн дундин цәәлгъврин көдлмш ясрулх зөвтә. Зәрм райкомст иим лекторск баг бүрдәгдәд уга, үлгүрлхд, Юстинск райкомд.

Ода, Алдр Окбрин 40-ч джилин өбнд белджәх цагт, эн өбнд нерәдсн күүндвр, докладмуд кегъәд, гражданск болн Төрскән харслгъна алдр дәәнд орлцачнрла болн танъгъчин түрүн нүүрт йовгч комсомольцнрла харгьлж күр кех кергтә. Иим күр Элстд, Башантад болн Сарпинск районд болв.

Культбригадс ганцхн нәр-наад үзүләд йовл уга, бас кесг олн зүсн серл-герлин туск көдлмш делгрүлцхәх зөвтә.

ВЛКСМ-н Элстин горком багъчуд дунд сургъмджин көдлмш сулар кеджәнә, лекцс, күр-күүндврмүд болн

багъчудин асхни нәр-наад хоомагъар бүрдәнә.

Комсомольцнриг болн багъчудиг комсомольск политшколмудт болн политкружокст орулдж сургългън идейн сургъмдж өглгънә нег ик аныг көдлмшн мөн. Эн аныг көдлмш зәрм райодт кергт авгдл уга хайгдәд баянә. Юстинск районд цуг кружоксн көдлгән уурдж, Каспийск, Приозерн райодт болн Элст балгъснд энүнд бас оньган сәәнәр өгсн уга.

Целинн болн Яшалтинск райкомс, комсомольск политшколмудин, кружоксин сургъулин джилә ашин дигиг райкомсин пленумд тәвдж күүндвр кедж шиндлв. Западн районд болхла сар болгън пропагандистнрин семинар кегддг билә.

Эн көдлмшт баясн дутудундиг уурулад, сургъулин шин джилд сәәнәр белдх — мана эрки керг. Урдасн, кружокс сәәнәр бүрдәгъәд, пропагандистнриг чикәр темдглдж авад, кен ямаран кружокд, политшколд ордж дасх санатагъин меддж кех кергтә.

Коммунистическ парть болн Советск правительств цуцрлтан угагъар багъчудин сә хәнә, энүнә хәрүд, мана олн багъчуд хамг чил-күчән негдүләд, төрскнәнн нер туурулхин төләд күчн-чидлән нөл уга, шунмгъагъар көдлцхәдж, эрдм-сургъулан өбдүлдж, өмнән баях эрки төрмүдиг диилвртәгъар күцәцхәх зөвтә.

К. ПЕДЕРОВА.

ВЛКСМ-н Хальмг танъгъчин комитетин сегләтр.